

後村先生大全集

後村先生大全集卷之六十八

外制

葉夢鼎制兵部尚書兼職依舊

春闈以行藝造士拔其英華夏卿有文武全才付之
衡尺屬方峻事爰命為真其官某學者師模儒之鴻
碩嘗典三禮古之伯夷后夔及擁雙旌今之陽城元
結最先諸老而召來從吾兒之游遂陟文昌俾司俊
造八伯樂無非冀野之龍媒號陸氏莊不下唐朝
之虎榜卿亦勞止朕甚嘉之褒鑒裁而出綸冠履班
而疊組及閒暇而簡稽軍實以公平而甄叙人材苟

匪名流曷膺高選噫時方經武固資圻父之爪牙官
曰納言無愧尚書之喉舌所優為者其往欽哉可

包恢除禮部侍郎兼職依舊

禮有崇卑學以肅君臣上下之分國所尊事其可無
老成典刑之人亦既優為宜加真拜具官某聞師密
授得父單傳逮精舍之久荒儼靈光之獨在和順所
積居然有德而有言精悍不衰靡煩祝哽而祝噎雖
奴隸知為清白非磨涅所能磷緇晚就蒲輪徑持荷
橐囊封應詔凜然言議風旨之間綿蕝草儀出於制
度文為之外所謂藥石愛我夫豈玉帛云乎積望推

重於一時落權矣待於滿歲噫刺經作制可以洗諸
儒聚訟之譏析句分章未若陳大人格非之說顧如
耆雋寧假訓辭可

徐經孫除刑部侍郎兼職依舊

式敬爾獄久煩閱實於祥刑明試以功廼命為 於
法從疇咨偉望申錫贊書具官某介而能通仁者必
勇生漢高士之里抗志尤清有唐司訓之風持論近
厚出處了無所附麗始終莫得而磷淄偉衣從鶴禁
之游盡忠於輔導濃墨批鸞臺之勅見憚於貴權凡
有論思居多補益歲諫明游雷之示戒囊封應元日

之求賢言自躋從班實堂憲部民有矯虔姦宄無忿戾
之心吏或磨淬角圭矢哀矜之意朕方欽恤卿每平
反乃出紲以落權且錫鞶而抗寵噫職分周典皆云
帥屬於貳卿書列臯謨孰謂不傳於三后可

李廷芝除權兵部侍郎依舊兩淮安撫制置
使知楊州

班師振旅嘉元戎十來之還舍爵策勲峻司馬九伐
之拜爰疏異渥以獎雋功具官某學以輔其天資儒
而通於世務商隱楚南之檄俯視飛卿正封郾城之
詩可肩韓愈聚米圖山川之險易投醪同士卒之苦

甘既環轍周行於三邊乃授鉞獨當於一面路考室築
爰居之百堵民始有巢并兵攻未下之二城士不解
甲其勤勞也至矣果談笑而得之因壘降崇侵疆歸
魯奏捷既騰於夜報第功豈陟於夏卿朕惟羊陸之
所懷徠務先施於思信殷楮之所營綜有可乘之事
機鑒陳迹之在前恢遠圖而淑後厚培根本宏立規
模噫謀元帥以詩書示加重中權之意儆國人而歲
訓盡務為外患之防可

廖瑩中除大理寺丞

自古大幕府多奇才漢魏則班固王粲陳琳阮瑤晉

則阮脩孟嘉孫楚袁宏唐則石洪溫造杜甫杜牧
本朝則強至謝絳尹殊李之儀之流皆以文墨議論
望此府爾鐔津名族代有異人載筆從戎車之後轍
環三邊愈風之徵賀捷之表多出其手可謂之奇才
矣寺監之屬丞為高選而棘丞尤高肆以命爾益養
資望以對甄擢可

林彬之除寶章閣待制依舊提舉江州太平
興國宮

書稱耆壽後古之所嚴詩曰典刑人今其餘幾廼眷
論思之舊久安寂寞之濱嘗列通聯宜疏異渥具官

某凌雲逸氣揭日貴名射矍相之弓衆人有揚解而
去者奏阿房之賦諸公爭搢笏而誦之拔於時髦付
以風憲青蒲諷議惓惓法家拂士之言白簡指陳凜
凜君子小人之辨遂繚緊路徑上禁除方眷注之邇
隆何疑嫌而勇退雙溪疊嶂難忘桐鄉丞嘗之思二
頃一區不恨汾曲田廬之薄朕念其侵尋八袞留滯
十菴困漢殿之稱觴法虞朝之上齒盼所廷一禮之
寵陟奎閣四松之班以敬高年以華晚節噫歸洛而
會貞率深嘉知足之風臨雍而拜老更尚有乞言之
禮可

翁合除直秘閣浙西提刑

士大夫多重內輕外蕭汲皆漢名臣然望之則雅意
本朝黜則願出入禁闥至唐則召者有登仙之美出
者有羸官之歎其來久矣朕思所以矯之爾多士所
宗留滯周南歲晚歸來則馮唐白首矣方有清望官
之擬屬吳中災傷朕數下寬恤之詔而官吏饕殘老
弱轉徙自吳若思德王尊范滂輩入付以勞來咨諏之
任未天隆名繡華遣一日並命使大夫國人皆知
修名矯節如爾合者而肯為此行庶乎外臺加重矣
少須右扶風無捐瘠之民有革心之吏朕又當出節

召汝可

皮明德除太社令

古者造士自國子始自貴游子弟始見於書於周官者如此爾輔臣之子孝謹惟肖社令列于奉常蓋虞廷命樂卿教胄子之意也爾其益進于學而由於禮則而父有子矣可

拱衛大夫福州觀察使帶行御器械新差如和州陽孝信為白鹿磯賞轉翊衛大夫

有功見知人情則悅無賞不往軍志之言具官某積雁塞之威與鹿磯之捷爾執鞭弭實從大幕府之行

朕聞鼓鼙實深惜故將軍之勇超橫行之穹秩佩共理
之左符噫精神疆而折衝方咨牧御髀肉生而興嘆
益勉勛名尚可

皮龍榮除資政殿學士知潭州

詩書謀元帥孰知該輔之賢富貴歸故鄉 狗養親
之志出綸疏寵建勳啟行具官某材全而德不形任
重而道亦遠巖廊賡載端委而準百僚翹館招延握
髮而進千贊內宏開於正路外盡返於侵疆方資文
武之全才共翊丕平之景運迺緣慈侍浩然忘歸未
解繁機留之不可朕惟禮大臣之義為擇便安卿方

將壽母而行尤宜優異孰開相聞俾奉潘與若昔極
牧合肥曾臨青社皆以公清而賦政至乎久遠而見
思戟衛森嚴未忘恭桑梓之意門庭洗掃自然絕爪
李之嫌惟仁可以甦凋瘵之民惟廉可以洗饕墨之
俗噫錦衣所至諒多夾道之觀袞繡以歸何待三年
之久可

吳堅除太常丞

昔舜命伯夷其辭冝寥簡短曰直哉惟清而已此非
選禮官之法歟漢初齊魯兩生良亦其人漢不能致
使叔通輩為之通而知禮必不改縫掖為短後必不

據撫秦儀以希合世主之好本朝禮制大備如南北
郊明堂辟雍如廟議如謚法微而冠昏喪祭之類或
參訂於古書或折衷於儒學或求之遠野皆著為令
稽為決而奉常典司之卿選久虛少行長事侍從門
則次補常以待天下名流爾以直道立朝以清規矯
俗是真可以典虞朝之禮而異於漢野外之儀矣豈
王帛云乎哉可

馬廷鸞除軍器監

弧矢之威見於易及予之制訓於周官車馬器械修
備而周中興干戈斧鉞朽鈍而唐不競然則所謂除

戎器者亦今日之急務也爾由科目進而為瀛洲學士又進而為公府掾持文墨議論與吾大臣可否大政事清且要矣戎監若非所以處爾爾今兵未可弭有文事者必有武備使有司所藏皆良勁不亦可以信國威壯軍容乎往其試哉繼有顯用可

徐復除秘書少監

國家設清望官以召勝士為之朕自庚申改紀去凶舉相拔士滿朝而於所謂清望官者尤遴其選爾由前御史勇去巷處且二十年他人能立初節久之不堪率自貶而求合爾獨壯老不變於要路無一迹於

御制先生大全
朕聞鼓鼙實深惜故將軍之勇超橫行之穹秩佩共理
之左符噫精神彊而折衝方咨牧御驛肉生而興嘆
益勉勛名尚可

皮龍榮除資政殿學士知潭州

詩書謀元帥孰知該輔之賢富貴歸故鄉 狗養親
之志出綸疏寵建纛啟行具官某材全而德不形任
重而道亦遠巖廊賡載端委而準百僚翹館招延握
髮而進千贄內宏開於正路外盡返於侵疆方資文
武之全才共翊丕平之景運迺緣慈侍浩然忘歸未
解繁機留之不可朕惟禮大臣之義為擇便安卿方

簡要今寒暖覓官率受吏操縱魚貫索米於長安市
皆是也往佐而長抑吏姦之伸士氣則朕為知人爾
為稱職可

張濟之除秘書丞

館閣皆號天仙惟丞與著作尤高有徑擢二監二史
者平遷亦即潛矣爾則奏賦第一父子聯名雁塔科
目之盛才學之高器識之遠詎可遠煩爾以吏事乎
朕有美官在風日不到之處非爾其誰宜為昔在漢
儒或以讀未見書為喜或有清淨寂寞之嘲然則青
藜下照反不若長檠高張乎朕方儲英材於是中爾

益壠培以需甄拔可

陶夢桂除大宗正丞

朕以介弟典大宗正而又選庶姓之朝士佐焉爾以儒發身然試之事則通而無滯敏而有功其在外府扈農皆然進之司宗可謂不負丞哉之選郎宿有關朕將以次選擇可

李仁永除太府丞

士大夫求速化者多安平進者少朕於用人常以是為權度爾淳熙參與之孫有恬靖之趣無貴介之累秀眉黃髮老於常調擢寘周行所以旌故家尊高年